

古今圖書集成

中華書局影印

第四六四冊

博物彙編

藝術典

醫部

(卷)
五四—五六



肚痛神輔煎湯下

煩躁麥門冬湯下

渴用麥門冬五味子煎湯下

吐瀉蒼香陳皮湯下

痘不成漿多服數帖無妨

補漿湯

痘灰白不起壯或漿清

淫羊藿 穿山甲土炒各三分 人參 當歸

山楂各八分 黃芪一錢半 枸杞子一錢

川芎 甘草 陳皮各五分 廣木香二分

白朮土炒六分 官桂三釐 黃豆三十粒

笋尖三箇

右加薑糯米水煎服

一方有白芷防風

田單火牛湯

痘標六七朝正要翕會膿漿遽乃色白洋洋無紅

活鼎峻之美有土鐵塌陷之凶火熱不退而有寒

戰之狀宜服田單火牛湯

蓼子擇細葉者是若川蓼則大葉葉中有青點宜細

辨之和穿山甲炒甲氣盡去甲 人參 黃芪

當歸各二錢 附子一錢 甘草五分 桂三分

橘紅八分

右水煎服

澄泉散

治痘中板黃

黃芪上 當歸中 紅花下
右和酒入罐固密煑之另用

蟬蛻 金九即雄雞尾後硬石子

二味細研以藥酒調服

轉環丹

雞一隻

右以參芪當歸紅花桂和蜜酒煑熟食之

回漿散

治痘不收漿結痂

何首烏 白芍藥 黃芪 人參 甘草 白朮

白茯苓

右薑水煎服

象牙散

治同上

人參 黃芪 白朮各一錢 甘草炙七分

茯苓一錢半 何首烏二錢

右加糯米二錢棗二枚水煎調下象牙末一錢

防風白朮湯

治痘日久不靨

歌曰防風劉五錢炒朮與茯苓當歸大腹皮煎服得

安寧

昔古杭俞氏專以四製白朮散治痘瘡日久不肯

結痂收膿者此方之遺意也但迴蚤之痘元氣充

足者則可若元氣不足而迴速必宜保護不如痘

之隨期而迴遲何必勉強用藥以速其收功也

人參固肌湯

治痘表發太過致肌肉不密痘痂粘肉久不落者
人參 黃芪 甘草 當歸 蟬蛻各等分
糯米一撮

右用水煎服

馬齒覓散

治痘痂不落成斑痕者

馬齒覓搗汁 豬脂膏 石蜜

右三味共熬成膏塗腫處

退火回生散

治痘血熱枯澀發渴

滑石 辰砂各一錢 冰片三釐

右爲細末冷水調服一分睡片時必轉紅活矣

如聖湯

治痘已出身熱如火

紫草 升麻 葛根 白芍 甘草 木通

猴梨各等分

右加薑一片葱白三莖水煎熱服

心煩加麥門冬赤茯苓

煩渴加生脉散

七八九日身如火者加酒炒黃芩地骨皮

連翹散

治一切熱兼治痘疹如神

連翹 防風 梔子 甘草各等分

右爲末水煎服

海藏云治熱在外而不厭此少陽藥也

梔子金花丸

黃藥 黃連 黃芩 山梔炒各等分

右爲末滴水丸如豆大每服五九白湯下
通膈丸
利上下氣血藥也

大黃 牽牛 木通各等分

右為細末滴水丸如粟米大每服三五十丸量兒大小虛實加減

竹葉石膏湯

治痘瘡表裏俱虛胃中煩悶小便赤澀多渴成赤斑點者又宜服犀角散

石膏 知母各二兩 麥門冬 甘草各一兩

右劉散每服三錢水一盞淡竹葉一握煎半盞溫服不拘時

麥門冬湯

治斑疹煩渴吐瀉及痲後餘熱

麥門冬 人參 甘菊 赤芍藥 赤茯苓

升麻各一錢 甘草五分 石膏三錢

右用水煎服

生脈散

止煩渴首尾通用

人參 五味子 麥門冬

右水煎當茶服

神功散

治痘作渴

人參 黃芪 甘草 牛蒡子 紅花 生地黃

前胡 紫草 白芍藥

右水煎服

紅花湯

治同上

紅花或子

右隨意煎湯飲其渴即止縱口中如煙飲之即止

加牛蒡子尤妙

酸棗仁湯

治痘疹虛煩驚悸不得眠

酸棗仁炒 甘草炙 知母炒 白茯苓 川芎

麥門冬 乾薑炮各三分

右水煎服兒大倍之

梔子豆豉湯

山梔四箇 豆豉半兩

右水二盞先煮梔子一盞內豆豉煎至七分去滓溫服得快吐即止

黃連解毒湯

治發斑熱甚心煩不得眠

黃連 黃芩 黃蘗 山梔各等分

右每服四錢水二鍾煎五分溫服

若斑毒甚者加青黛一錢調入湯內服之

凡脈弦數內外熱甚譫語者合小柴胡湯主之

若脈洪數內外熱甚舌燥煩渴者合化斑湯主之

牛黃清心丸

生黃連五錢 黃芩 梔仁各三錢 鬱金二錢

辰砂一錢半 牛黃二分半

共研細末臘雪調糊丸如黍米大每服七八丸

燈心湯送下

人參蟬蛻散

治小便利痘瘡不發煩躁作渴咬牙喘滿

人參 蟬蛻 白芍藥 木通 赤茯苓 甘草

紫草茸

右每服三四錢水煎

人參竹葉湯

治虛煩不得寐或兼自汗

人參 竹葉 甘草各二錢 半夏二錢五分

炒小麥 麥門冬各一錢五分

右每服二三錢薑二片粳米一撮水煎服

梔子仁湯

治煩躁譫語驚狂發斑

梔子仁 黃芩 石膏各二錢 大青 柴胡

豆豉 赤芍藥各一錢 知母 杏仁各一錢半

升麻八分 甘草五分

右水煎服

紅綿散

解表之藥

全蠍五箇 麻黃去節 殭蠶 白芷 川芎

桔梗 天麻各二錢 甘草 蘇木各一錢

右為末每服一錢加紅綿少許水煎

有熱加荊芥梢熱服

一方入薄荷葉三片好酒四五點同煎

痲痘風搐方

人參 羌活 防風 殭蠶酥炒 南星薑製

白附子薑製 甘草炙

右等分生薑三片水煎服其搐立止

此解表之劑潔古所謂外感風寒之邪丹溪所謂

宜發散藥者是也

解毒丸

寒水石研 石膏研各一兩 青黛半兩

右以二石研細如粉入青黛和勻湯浸蒸餅為丸

如芡實大每服一九食後新汲水化下或細嚼薑水下亦可三歲兒服半九量歲數加減服之

柴胡二連丸

治肝經實火

柴胡 宣黃連 胡黃連

右爲末糊九梧子大每服二三十九白湯下

此解毒涼血瀉肝火之劑有熱者宜之

瓜蔓散

治痘熱極生風發搐

瓜蔓根二錢 白殭蠶一錢

右慢火同炒老黃色爲末每服二三分薄荷湯下

保命丹

治一切驚風發熱

天麻 鬱金 全蠍去尾 白附子炒 薄荷

殭蠶薑汁炒 蟬蛻 茯神 桔梗各五錢

防風 生甘草 青黛淘淨各三錢 鈎藤鉤

牛黃各二錢 大半夏炒湯浸曬又薑汁浸曬炒

南星製同上各一兩 麝香五分 辰砂五錢爲衣

右末煉蜜爲丸芡實大每服一九燈心湯下

消風散

人參 羌活 川芎 甘草炙 防風 荆芥穗

白茯苓 蟬蛻去毒 厚朴 白殭蠶 陳皮

藿香葉各半兩

右爲末每服二錢清茶調下

車前葉湯

治痘出兩三日溺血

木通 生地黃 黃芪 赤芍藥 犀角 地榆

升麻 紫草 車前葉多用 燈心

右水煎服

痛加甘草梢滑石山梔

余治此痘要在於清心解毒使陰血總歸於榮升

麻黃芪貴宜詳察而投不可執方以害人也若便

如黑豆汁者毒已衝心而榮元已離十七八九致

有便小澀留結血條如綿線寸長欲尿則號哭痛

不可忍者急用炒山梔末青龍鬚草汁調服再以

木通湯飲之可也

浮麥散

治胃虛自汗

浮麥

右不拘多少炒香每服三五錢煎服

斬關散

治痘紫發熱鼻紅不止

生地黃 牡丹皮 黃芩各五分 升麻三分

藕節 茅根各一錢 萊菔四十九粒

右水煎服

六神散

治脾胃虛弱津液燥少內虛不食身發虛熱

人參 白朮 茯苓 甘草炙 白扁豆炒

黃芪蜜炙

右等分爲細末每服抄二錢用水半盞生薑一片

聚一枚同煎至三分去滓溫服之不拘時候

身熱甚者加烏梅少許同煎服

七珍散

調胃進食

山藥 人參 茯苓 黃芪 白扁豆各一錢

白朮二錢 甘草七分

右剉爲粗末加粟米一撮薑二片棗三枚水煎不

拘時溫服

人參養胃湯

補脾進食之劑

白朮 陳皮 神麴各一錢五分 人參 茯苓

梔子 黃芩各一錢 甘草八分

右剉散分爲二服水煎不拘時服

二和湯

消食扶氣之劑

藿香 香附各等分

右爲極細末滾水放溫調下二三錢

白朮苦參湯

治小兒患痘不進乳食

白朮 白芍藥 檳榔 訶子 柴胡各一錢

青皮一錢 苦參一錢二分 鼠粘子 厚朴

陳皮 砂仁 烏藥 紫草各一錢

右剉散每服四五錢水煎食遠服

陳皮枳實湯

治患痘宿食不消

陳皮一錢二分 鼠粘子 厚朴各一錢一分

枳實 青皮 烏藥 紫草茸 砂仁 神麴

檳榔 草果 桔梗各一錢 升麻八分

右剉散每服四五錢水煎食遠服

白朮湯

治欬嗽嘔吐痰涎氣喘通用

白朮一錢半 陳皮 白茯苓 五味子 半夏
杏仁各一錢 甘草半錢

右水一盞半生薑三片煎六分分二服

五味子湯

喘促欬嗽通用

五味子三錢 人參 麥門冬 杏仁各一錢半

陳皮一錢

一方無陳皮加薑棗右剉散水一盞煎六分空肚

溫服兒小者分二服

杏甘湯

治瘡痘煩喘渴躁

麻黃 桑白皮 杏仁 甘草

右等分爲粗末每服三錢水一盞煎食後服

生地黃散

治小兒斑疹身熱口乾欬嗽心煩等證

生地黃半兩 麥門冬去心七錢 款冬花

杏仁 陳皮各三錢 甘草炙二錢半

右每服三五錢水煎徐徐服兒大加之

若痰氣痘熱內作宜桔梗甘草防風湯

若痰上壅者佐以抱龍丸

赤茯苓湯

赤茯苓 甘草 大青 升麻 枳殼麸炒

梔子各一錢

右用水二小盞苦竹葉七片豆豉三十粒煎五分

分爲三服看兒大小加減

葶藶木香散

治大便秘利小便溫滯喘嗽腹脹不能食宜多服

爲妙

猪苓 澤瀉 茯苓 白朮 官桂 葶藶

木通 木香 甘草各錢半 滑石二錢

右剉散水一盞煎半盞空心溫服忌油膩分爲二服

服

葛根黃芩湯

治喘有汗發熱欬嗽

乾葛 黃芩各二錢 五味十一粒 甘草五分

黃連 芍藥 石膏各一錢

右水煎服

涼血清毒散

犀角如無用升麻 牡丹皮 當歸 生地黃

赤芍藥 生甘草各等分

右每服三五錢水煎

補肺散

阿膠一錢半炒成珠 杏仁三粒去皮尖雙仁

馬兜鈴半錢 甘草二分半 牛蒡子炒三分

糯米一錢炒 生黃芪五分

右爲末分二服水一小盞煎六分食後時時與之

一方有桔梗

八風散

卽八風湯

藿香半兩去土 白芷 前胡去蘆各一兩

黃芪 炙草 人參各二兩 羌活 防風各三兩

右爲末每服一錢用薄荷少許煎湯調服

清肺散

治患痘咽乾聲啞

麻黃一錢五分 麥門冬 桔梗各二錢 知母

荆芥 天花粉各一錢 訶子 石膏蒲各八分

右剉分爲二服入竹瀝薑汁水煎服

梔子菖蒲湯

治小兒痘證因熱毒生風瘡啞不語

梔子一錢三分 石膏蒲 紫草茸各一錢二分

山豆根 生犀 黃連各一錢一分 羌活

木通 白殭蠶 杏仁 韭子 鼠粘子各一錢

升麻 蟬蛻 薄荷七分

右剉散每服五錢水煎食遠服

紫河車散

治小兒痘瘡毒氣不解上攻咽喉聲音不出舌頰

生瘡過逆煩悶潮熱面赤

紫河車卽金線重樓 茜根 貫衆各三錢

白芍藥 甘草炙各五錢

右每服三錢生薑一片水煎服一方有牛蒡子

噲化丸

薄荷葉二兩 訶子 甘草 殭蠶炒各七錢

桔梗 瓜蒌 鼠粘子炒各一兩 風化硝五錢

右爲極細末煉蜜丸如芡實大噲化嚙津兒小不

能噲則調化頻抹其口中

香蘇飲

治小兒痘疹作瀉

香附子 陳皮 紫蘇 川芎 莢 生甘草

白芷各等分

右剉散每服三錢生薑葱白煎或白水煎

瀉加白朮茯苓

嘔加茯苓白芍藥

紫草木香湯

治痘出不快大便泄利

紫草 木香 茯苓 白木各等分 甘草減半

一方無甘草

右劉散入糯米百粒水煎服每貼三錢紫草能利

大便白木木香佐之

脾氣虛者加人參

陳文中曰加人參治痘瘡裏虛瘳塌黑陷悶亂

黃芩半夏湯

黃芩一錢半 炙草八分 白芍酒拌九釐三錢

半夏湯泡七次二錢 生薑一錢 大棗二枚

右劉細水一盞煎七分溫服

渴去半夏加枇杷葉去毛炙二錢蘆根茅根各三

錢

中和湯

治中焦停寒或夾宿食

厚朴一錢 白木八分 乾薑四分 甘草三分

右劉細作一服加生薑一片水煎稍熱服

竹茹湯

橘紅 半夏 白茯苓 黃連薑炒各一錢

甘草五分 竹茹一團 葛根一錢五分

右水一鍾生薑三片煎五分不拘時溫服分三貼

和中湯

治虛吐不止即鎮胃止吐湯加人參

人參 茯苓 炙甘草各五分 白木壁土炒

半夏各八分 陳皮 藿香 砂仁各一錢

右用生薑水煎服

藿香正氣散

治初熱乾嘔

藿香 紫蘇 大腹皮 陳皮 桔梗 甘草

茯苓 半夏 厚朴 白芷

右棗薑煎服

橘皮湯

治嘔吐不止飲食不入

陳皮 生薑各一錢 人參五分

右水煎作三四大服

橘皮半夏湯

橘皮 半夏等分

右每服三錢薑棗水煎

丁香煎

治脾胃虛冷嘔吐不食

丁香不見火 紅豆 甘草 乾薑 青皮

川烏 陳皮 良薑 胡椒 益智各等分

右劉散每服三錢用水一盞生薑三片煎六分加

鹽一捏不拘時服

加味鼠粘子湯

治咽中有瘡作嘔

桔梗 射干 山豆根 防風 乾葛 陳皮

荆芥 連翹

右水煎細細呷之

燈心竹葉湯

治乾嘔

竹葉三十片 燈心三十根

右水煎服

祕方

治嘔吐并吐瀉不止水穀不納者速效

多年竈心赤色土為細末

右每服二錢米飲調下小兒只一錢

九味理中湯

人參二錢 白木 乾薑炮 訶子肉 茯苓

木香 藿香葉 肉豆蔻煨 甘草炙各一錢

右水煎食前通口服

參朮丸

小兒脾胃傷冷外熱裏寒不思飲食身常壯熱太

便或溱色白或患瘡疹身有大熱因冷物或冷藥

過度或瀉或腹脹或已出瘡疹癰白無血色此由

裏寒脾胃伏冷榮衛不行致令毒氣內伏不出宜

服之其瘡癰白無血色者皆從癰白四圍紅暈再

起作膿結痂而愈

人參 白木 乾薑炮 甘草炙各一分

右為細末米糕泡糊為丸如麻子大每服百餘丸

溫水吞下或米飲亦得乳食前服前世之書如仲

景諸論治傷寒云輕者用理中湯重者用四逆湯

此乃胃足陽明經而感寒邪脾胃乃為中州之府

故用理中湯曰辛甘發散為陽以退寒邪也理中

湯煉蜜丸而嚼下曰理中丸蓋添蜜甘以入脾胃

嚼而便化於中焦今參朮丸以梗米糕為丸取其

難化服在脾胃滲漉漸得消化則中焦得煖脾土

喜燥其熱自歸此所以能治熱也

加減四君子湯

治瘡疹不渴厥寒下利

人參 白茯苓 肉豆蔻 黃芪各半兩
甘草炙二錢

右咬咀每服一錢水半盞薑五片棗一枚煎三分
乳母倍服若大瀉手足厥冷加附子用驗
大便不固痘漸黑陷小兒乳母同服

治中散

治虛寒瀉利不進飲食

黃芪 人參 茯苓 白朮 川芎 當歸

肉桂各五錢 肉豆蔻麪包煨熟取去油淨

丁香一錢半 木香三錢

右爲末每五歲用五分好熱酒調下衣被蓋煖少
頃痘變紅活而起

滋腎丸

黃蘗炒黑 知母炒黑各二兩 肉桂二錢

右爲末水糊丸

黃芩清肺飲

黃芩炒 山梔炒各等分

右每服二錢水煎

連翹湯

連翹 防風 瞿麥 荆芥穗 木通 車前子

當歸 柴胡 赤芍藥 白滑石 蟬蛻 黃芩

山梔子 甘草各五分

右剉細加紫草五分水一盞半煎一盞去滓食前
溫服

紫草冬葵湯

治小便不通毒氣閉塞

紫草茸 山梔子 黃芩各一錢二分 秦艽

苦參各一錢一分 冬葵子一錢半 露蜂房

白茯苓 木通 白芍 澤瀉 車前子各一錢

蟬蛻八分

右剉散每服四五錢水煎食遠溫服

如急數輩中痛者加甘草梢八分苦楝子一錢

如痛甚欲死者加川牛膝一錢三分

如有赤如血色者加胡黃連一錢三分

如小便血者加當歸川芎龍骨火煨菟絲子各一

錢

紅甚者加生地黃

白濁者加史君子一錢三分黃連一錢一分韭子

研一錢二分

濁甚者加桑螵蛸一錢

洗心湯

治痘瘡壯熱大小便不利狂言多渴

大黃 甘草 當歸 麻黃去節 白朮 芍藥

荆芥各等分

右咬咀量病輕重多少薑薄荷煎溫服則平熱服

則瘡

加味四君子湯

人參 白朮 黃芪 白茯苓 甘草 瓜蒌根

桔梗

右各等分水煎服

海藏以此治瘡疹已出未出大便祕澀或時發渴
蓋有病者或因裏受不足或因吐瀉之後或因汗
多或利小便元氣既虛津液乾涸不得潤滑而致

大便祕澀者若妄行疏通何異操刀必須此藥治

之醫家切宜詳審勿令誤也

紫草麻仁湯

治瘡疹大便不通致毒氣閉塞

山豆根 紫草各一錢一分 生犀 青皮

鼠粘子 露蜂房 桃仁 麻仁 側柏葉

黃芩各一錢 杏仁一錢二分

右剉散每服四五錢水煎食遠服

祕甚者加烏梅肉七分不已再加冬葵子一錢五

分

柴葛桂枝湯

柴胡 乾葛 甘草 桂枝 防風 人參

白芍藥各等分

右剉細加生薑三片水一盞煎七分去滓溫服不

拘時

袁氏獨附湯

治寒戰

大附子五錢細裹煨

右用水一鍾燈草七根煎服

右方加人參二錢肉桂五分黃芪二錢橘紅一錢

甘草五分當歸一錢則爲附子振陰湯治寒戰咬

牙捷效方也但紫焦伏黑者不用

無憂散

治臨危痘證寒戰咬牙

人牙自落者不拘多少火煨存性碎入韭菜汁內大
牙三次小牙二次研極細末 雄黃 珍珠各五分
右俱研爲末每服三五分多則一錢用荔枝煎湯

下

一方有牛黃五分

透骨解毒湯

治寒戰咬牙

紫草 甘草 當歸 防風 陳皮 赤芍藥

右各等分水煎服

催蠶丹

治痘踰八九朝膿漿雖不充裕倏然寒戰咬牙以此治之

虎牙 人牙各一枚酥炙

右研細和人參丁香末乳酒和服

滴滴金

治寒戰咬牙

狗頭去肉雷腦髓酥炙脫

右細研爲末濃煎酒下

參附湯

治痘疹陽氣虛寒咬牙寒戰手足並冷或吐瀉不食飲沸湯不知熱

人參煎湯入 好真附炮如法一錢

右每劑先加附一錢末應多加之更不應加至四五錢或等分亦無妨但用之以運其陽氣如已脫者不治

二神散

治傷令體寒肢冷腹痛口氣冷難發難壯暫用陳

三農用治痘灰白不起無藥

丁香九粒 乾薑一錢煨

右爲末每服五分白湯送下蓋被片時令脾胃溫

煖陰反陽回則痘變順矣量見大小輕重用之

蟬蛻散

治斑瘡入眼半年已裹者一月取效

猪羊蹄甲二兩入罐子內鹽泥固封燒存性

蟬蛻去土取末一兩

右二味研入羚羊角細末二分拌勻每服一字百

日外兒一二分三歲三四分漿水或新水調下日

三四夜一二食後一年已上者不治

馬屁勃散

治瘡疹入眼

馬屁勃 蛇皮各半兩 皂莢子十四粒

右入小罐子內鹽泥封固燒存性研細溫酒調下

三錢食後

海藏地黃散

治小兒心肝壅熱目赤腫痛生赤翳或白膜遮睛

四邊散漫者尤易治若暴遮黑睛者多致失明宜

速用此方亦治瘡疹入眼

熟地黃 當歸各一分 黃連 大黃煨 防風

羌活 生犀末 蟬蛻去土 木賊 穀精草

白蒺藜 沙苑蒺藜各一錢 生地黃 木通

甘草各一錢半 黑參五分

右爲細末每服一字或五分量見大小加減煎羊

肝湯食後調日三夜一忌口將息大人亦治

密蒙花散

治痘入眼翳膜遮睛

密蒙花 菊花 石決明 白蒺藜 木賊 羌活

右爲末每服二三錢茶清調下

兔糞散

治痘入眼

兔糞炒黃爲末

右用蟬退木通甘草煎湯頓服亦可煉蜜爲丸酒

送下三五十丸

兔糞丸

治痘入眼或生翳障

兔糞炒四兩 石決明煨 草決明 木賊去節

白芍藥 防風各一兩 當歸五錢 穀精草二錢

右爲末蜜丸菜豆大每服三五十丸荆芥湯送下

吹耳丹

輕粉 飛丹

右爲細末左眼腎吹右耳右眼腎吹左耳只吹一

二次

一方加雄黃麝香少許

外用石燕子一對橫櫛一對二味磨水常服

洗肝散

大黃 梔子 防風 薄荷葉 當歸 川芎

羌活各等分

右剉散每用三錢水一盞煎六分不得煎熟空肚

涼服

防風散

治痘疹後風熱上攻目赤腫流血及痘風瘡

荆芥穗 當歸 川芎 防風 赤芍藥 防己

梔子

右各等分爲細末每服二錢茶清調下作湯煎服

亦可

加味四物湯

治瘡毒入目血熱不散兩皆赤兼治瘡癰

川富歸 川芎 白芍藥 防風 生地黃

荆芥各等分

右剉散每服五錢水一盞半煎一盞分作三次服

羌活防風散

日三服一切腎障皆可磨去

羌活 防風 川芎 甘草 木賊 菴豆皮

荆芥各三錢 蟬蛻去土 蛇蛻 穀精草

雞子殼用內薄皮各二錢

右為極細末茶清調下每服一錢食後服

幼幼近編加白菊蜜蒙花去芎草

陳三農曰若痘出時眼虛腫流膿赤紫腎膜用菴

豆皮穀精草防風三味煎湯時時飲之

秦皮散

治大人小兒風毒赤眼痛痒澀淚昏暗羞明

秦皮 滑石 黃連各等分

右每用半錢湯泡乘熱洗

仙靈脾散

治痘疹入眼

仙靈脾 威靈仙各等分

右為末每服半錢米飲調食後下

蒺藜散

治痘疹入眼

蒺藜 甘草 羌活 防風各等分

右為細末每服二錢水調服如撥雲見日之效

菊花散

治瘡疹入眼諸證

白菊花 菴豆皮 密蒙花 旋覆花 穀精草

甘草各一兩

右每貼二錢用柿餅一枚粟米泔一盞煎水乾為

度取柿餅食之五七日即效

丹溪曰治痘後目腎穀精草蛇蛻菴豆殼天花粉

為末粟米泔浸煮乾為度食之

浮萍散

治痘疹入眼痛楚不可忍

浮萍陰乾為末

右每服一二錢用羊肝半片入盃內以竹杖刺碎

投水半盞絞汁調藥食後服之已傷者十服九效

羚羊角丸

治小兒腎虛目盲宜補腎明目

羚羊角取末 酸棗仁去皮各半兩 肉桂五分

虎脰骨酥炙五錢 防風 當歸 黃芪各一錢

右為末煉蜜丸如皂子大每服一丸食前溫水化

下日進三服

羚羊角散

治肝臟實熱眼目昏暗時多熱淚

羚羊角鎊 羌活去蘆 黑參 車前子 黃芩

山梔仁 瓜蒌各五錢 胡連 菊花各三分

細辛一分

右為細末每服二錢食後竹葉煎湯調服

羚羊角飲子

治黑腎如珠外障

羚羊角 五味子 大黃 知母各一兩 芒硝

防風各二兩

右剉每服五錢水一盞煎五分去滓食後溫服此

方宜斟酌用之不可輕率

撥雲散

治小兒瘡疹後眼中生腎膜

兔糞二斤如蘆花色者佳 蟬蛻 木通各二兩

白蒺藜二兩半 甘草一兩

右同為極細末煉蜜為丸如梧桐子大每服八十

丸食後白湯送下日進三服或煎濃湯服亦可頻

頻服之以腎退盡為度此方經驗極效

兔糞檳榔方

向東西地方上一去不許回顧尋取兔糞十四粒

檳榔用雄雌同磨

右二味不落地并花水調服甚效

甘草桔梗升麻湯

治小兒斑出欲透皮膚身熱咽喉不利

甘草 升麻各半兩 桔梗一兩

右剉細末每服一大錢水煎服

治傷寒肚痛及冷氣痛
神麴 香附各一錢 山楂二錢 良薑 當歸
甘草各五分

右用薑三片棗二枚水煎服
手足逆冷加大附子二分

桂枝芍藥湯

治腹痛

桂枝 炙甘草各一錢 白芍藥酒炒二錢

右生薑三片棗二枚水煎服

黃連湯

治熱毒在胃腹痛或欲吐此藥能升降陰陽

黃連 炙草 乾薑 桂枝各二錢 半夏

人參各八分

右棗二枚水煎服

一味異功散

治小兒諸般釣證角弓反張胃膈臍凸

透明沒藥

右爲末薑湯調服

蟬蛻一物湯

蟬蛻二十一個洗去泥爲末

右水一盞慢火熬至半盞去滓量兒大小溫服之

如覺瘡疹已出便依前服三五次不是瘡疹亦無

害小兒瘡疹欲發出加甘草一錢五分煎一盞旋

旋與服累效小兒所伏蘊積熱毒蟬蛻水鹹寒可

以制況有暴感風作熱客於表者蟬蛻亦治風毒

充於皮膚癢痒不止驚癇夜啼癰疾寒熱驚悸皆

宜服之

木通芍藥湯

治痘疹作渴腹脹小便不利

木通 白芍藥 白朮各五分 川芎 陳皮

乾葛各三分 甘草二分

右水煎服

牛黃散

治瘡疹陽毒入胃便血日夜無度腹痛啼哭

牛黃一分 鬱金一兩

右爲細末每服半錢以漿水半盞煎至三分和滓

溫服量兒大小以次增減日二服

和解湯

三日前後用

升麻 芍藥 葛根 人參 川芎 甘草

防風 羌活各等分

右用水一鍾半生薑三片煎至五分溫服

紫草承氣湯

厚朴二兩 大黃四兩 枳實 紫草各一兩

右爲粗末每服五錢水半盞煎三分溫服以利

爲度如未利加芒硝一字

桔梗枳殼湯

桔梗 枳殼各二兩 甘草五錢

右剉每服三錢薑二片水煎服

二陳加枳殼湯

枳殼 半夏 茯苓 甘草 陳皮各等分

右剉每用三錢薑二片水煎服

加味透肌散

人參 黃耆 白朮 芍藥 川芎 甘草

茯苓 木通 陳皮 糯米 厚朴 大腹皮

右等分爲粗散薑棗煎服

紫草厚朴湯

治痘瘡煩悶痞滿或堅急或結聚不散

紫草茸一錢二分 枳實 酒黃芩 川黃連

厚朴各一錢一分 露蜂房 白茯苓 蟬蛻

麥門冬 桃仁 石膏 旋覆花 山豆根

升麻各八分 白朮五分

右剉散每服四五錢水煎食遠溫服

紫草枳實湯

治痘瘡腹脹或熱毒或因傷冷所致

紫草茸 鼠粘子各一錢二分 白朮八分

厚朴 苦參各一錢一分 白芍藥 貝母

枳實 訶子 肉豆蔻各一錢 蟬蛻 桔梗

升麻七分 甘草六分

右剉散每服四五錢水煎食遠服

五物木香散

治痘出煩痛

青木香二兩 丁香 零陵香 白礬各一兩

麝香一分

右每服四錢水一小盞半煎服之

熱甚者加犀角一兩如無犀角以升麻代之輕者

一服大效

又方以芒硝和猪膽塗瘡上令動痂落無癢仍用

黃土抹之良此病小便澀有血者中壞瘡背黑腦

不出膿者死不瘳

青黛散

治痘未作膿痛甚心膈煩躁睡臥不安並宜服之
青黛如粟核大

右水調服之即安

消毒飲

牛蒡子三錢炒 荆芥穗一錢 甘草生用

防風去蘆各半錢

右細切作一服水煎加生犀角尤妙

一方有桔梗

勻氣散

即濟生方八味順氣散加木香也

白朮 白茯苓 青皮 白芷 陳皮 烏藥

人參各五錢 甘草炙二分半 木香一分半

右細切作一服水一盞煎七分服或細末酒調亦

可

白朮湯

治痘瘡痒塌不掩

白朮一錢半 黃耆炙 當歸 陳皮各五分

甘草炙些

蟬花散

治痘疹不拘前後始終遍身作癢抓破皆治之

蟬退去頭足洗去土微炒 地骨皮炒黑色各一兩

右共為末每服一茶匙酒送下一二服神效

二物湯

蟬蛻淨洗二十一枚 甘草炙一兩

右為末水煎時時服之

盒脾散

治痘至八九日期倏然身中臁癢此痘證之最急

者以此治之

炒朮 芍藥 生地黃 甘草 升麻 荆芥

防風 陳皮 大腹皮 殭蠶 蟬蛻

右水煎服

震澤湯

人參 黃芪 芍藥 生地黃 防風 甘草

右水煎服

天元二仙丹

渾天湯 人參乳浸 黃芪 生附子麝煨各一兩

右四味另研細方和合一處白蜜調勻量見大小

加減十歲已上一錢十五歲已上二錢服後隨以

振元湯連進痒遂止矣

七星散

黃芪 芍藥各二錢 人參 桂心各一錢

黑魚一個

右前四味共研為末置黑魚肚內升麻酒煮熟與

痘癢者連藥食之凡上焦癢吃頭中焦癢吃身下

焦癢吃尾亦驗方也

浴法

經霜桑葉 蘇梗 升麻 荆芥穗 防風

右水煎十數沸候溫拭體

安常鬱金散

治斑痘始有白泡忽搐入腹漸作紫黑色無膿日

夜叫煩亂者

鬱金一枚 甘草一分

右水半碗煮乾去甘草切片焙乾為細末入腦子

半錢同研一錢匕用生豬血五七滴新汲水調下

不過二服甚者毒氣從手足心出如癰狀乃差此
是九死一生候也

四聖散

治黑陷倒靨不起發不紅活小便不利

紫草 黃芪 甘草 木通

右水煎服

熱甚色紫倍加紫草各連紅花

大便祕加枳殼

如常加糯米

南金散

治痘已出而復陷其勢甚危諸藥不效者萬無一

失

紫背荷葉霜後搭水紫背者 白殭蠶洗去絲炒乾

右為末等分每服看大小大者一錢小者五分研

芫荽汁和酒下米飲亦可

治此證多有用龍腦人牙者卒難措辦惟此無毒

而效且速但紫背者甚難得可於鹽鋪內尋之

橄欖飲

治倒靨

橄欖

右從中截斷水服少許服之立發

白花蛇散

治痘疹黑陷倒靨

白花蛇連骨一兩火炙乾勿焦 丁香二十個

右共為末每服五分或二分熱酒送下如黑陷者

移時轉紅甚效

人牙散

治痘瘡方出風寒外襲或變黑或青紫宜溫肌發散使熱氣復行而斑自出

人齒脫落者不拘多少

右瓦罐固濟煅過出火毒研末出不快而黑陷者積猪血調下一錢因服涼藥血溫倒陷者入麝香溫酒服之

初虞世曰此名回生散用人牙灰入麝香少許每服半錢黃芪白芍藥煎湯調下

錢氏曰用溫酒調下

雲岐子曰用升麻紫草煎湯調下

海藏曰若平昔油膩腸垢者通膈九下之朱砂為衣與宣風散相表裏

一方用雞冠血調成膏好酒半盞入乳半盞入葱白一莖煎湯送下

凡服不可過多每服止三分多則陽氣盡出於表恐痘斑爛無血色陰氣內盛必裏寒而濡泄急以四君子加芎歸服之

彭氏曰只用紫草湯自好痘瘡最怕麝香與酒氣觸禁不可用

麻黃湯

麻黃剪去根節五錢

右用蜜一匙同炒良久以水半升煎候沸去上沫再煎去三分之一不用渣病瘡疤倒靨黑者乘熱

盡服之避風俟其瘡復出一法用無灰酒煎更速但小兒不能飲酒者難服以此藥入表也

萬全曰凡痘子黑陷古方用穿山甲者取其穿腸

透膜而善走也用人牙者取牙齒乃骨之餘腎主骨可以入腎也此二物者但借為引導引解毒之劑以施治則可若單用之何濟於事哉有用燒人尿者蓋尿大解疫毒痘乃時疫所發故宜用之若加入發表和中解毒湯內尤良

右方皆通表發肌之藥首一證感風寒肌竅閉塞血凝不行而黑陷者宜之

斑疹黑陷方

乾懸脂三錢 胡桃一個燒存性

右為細末煎胡荽酒調下藥一錢立效

右治死血黑陷凡前方用穿山甲及麝香等藥治黑陷皆為氣滯者設也

右方皆裏藥第二證所謂毒氣太盛內外蒸燦毒復入裏必心煩狂躁氣喘妄言如見鬼神大小便祕渴而腹脹者所宜選而用之者也

奪命五毒丹

治痘黑陷倒靨乾枯不起神驗

月魄即蟾酥少許 銀紅即硃砂研飛一錢

吐月華即牛黃吐出者 梅精即冰片各二分

男王即雄黃三分

右五味用豬豬尾血為丸如麻子大薄荷湯下一丸移時活動

按此方始終犯者皆可用但人多畏之不知證既危急非此等藥不能救故發明之

陳三農曰凡用以毒攻毒劑若毒氣外發則當調補氣血使中氣實則無內攻之患不然中氣既虛復氣血不外旺藥氣少歇必內攻矣慎之

談笑博金丹

治同上

取用寅亥戌未四時四靈丹

右加麝香下俱用天靈蓋

大造保童丸

治同上兼治痘毒亦妙

一蠻子即人胎骨炙過 二狼子即狗胎骨酥炙

三貓子即貓胎骨炙過

右加麝香下

一字金丹

治同上

紫花地丁 金線重樓 山慈姑

至寶丹

治同上

戊腹糧即將大米淨室與犬食飽取其糞洗淨炙乾研細每一兩麝香一二分

一粒金丹

治同上虛證雖死者可立活

臘腸臍 冰片 原蠶蛾各二分 鴉片三分

麝香一分

已上六方治危急痘證有起死回生之妙

天真膏

治黑陷乾枯紅紫及斑不退用此救之十全四五初生小兒解下黑糞用磁碗收貯加水銀二兩麝香一錢黃蠟封口埋於土中愈久愈妙久則化為水

右每遇前證看兒大小熱毒盛者重與二三茶匙酒煎紫草湯對半和勻服之立時紅潤活潑真祕

方也勝天靈蓋枯臭無益之物萬萬矣緣此糞原係母之真血所化蓋以血補血且入土日久又得陰氣多故能解毒

百日內小兒熱而煩躁啼哭不止用少許點入眼角二三次便能神安氣和而睡蓋又能清心熱也

大成散

治痘出不快或頂陷或灰白黑陷一切不起發之證俱可用之

穿山甲酒炒一兩 甘草末二錢 紫草三錢

雄黃 硃砂各一錢半 麝香二分

右每五歲兒用二分

冷證熱酒調下

熱證紫草湯下

寒者加入治中散內用

熱證加入小無比散內用

無價散

治黑陷欲死者

用無病小兒糞臘月將傾銀罐二個上下合定鹽泥固濟火煨通紅取出為末

右蜜水調服一錢

一方加麝香冰片少許

加減大紫草散

治白痘似粉人所不識者

紫草 人參 茯苓 黃芪 白朮 芍藥

川芎 當歸 甘草 糯米

右各等分為散每服四五錢水煎服一方有木通無黃芪名紫草快斑散

又一方去甘草加木通防風名參芪四聖散治表裏俱虛

補元湯

治痘頂充滿而根盤不聚色不紅活乃氣有餘而血不足也

川芎 當歸 白芍藥酒炒 熟地黃各一錢

紫草 紅花各酒洗七分 陳皮 甘草各三分

白朮土炒一錢半

右酒水各半盞糯米五十粒棗二枚煎服

活血散

治痘色淡白

當歸 赤芍酒炒 紫草 川芎 紅花各五錢

血竭一錢 木香二錢

右為末每五歲者服一錢十歲已上者服二錢好酒調下

熱極血焦不紅活者酒煎紫草湯調下

保生散

治氣血俱虛灰白色不灌膿回漿者

紫河車一具焙為末 龜板酥炙五錢

一方有鹿茸五錢

右為末每服五七分或一錢

氣虛者保元湯下

血虛者芍歸紫草煎湯下

混元散

治同上

紫河車一具分作五七塊

右用白糯米三合水淘淨入無油銚內同炒以米

黃色為度同為末每用五七分兒大者一錢極補氣血能助灌漿如神緣糯米性溫得紫河車之氣純化為河車故其補功最速譬之造酒米從麴化意也

內助丹

黃芪酒炒 人參酒炒 白朮 茯苓 當歸

陳皮 半夏 厚朴 肉桂 山楂

右薑三片棗一枚糯米五十粒水煎服

如不食加人乳一杯

痒甚加大附子

寒戰不止加附子防風

渴加麥門冬

瀉加澤瀉猪苓

不止加訶子肉果

助陽丹

治瘡塌不起根窠不紅

甘草三分 紅花五分 陳皮八分 官桂二分

黃芪蜜炙 人參 白芍藥各酒炒 川芎

當歸各一錢

右薑棗水煎服

回生起死丹

治痘灰白寒氣逆上不食腹脹嘔吐肚痛泄瀉清水手足俱冷

丁香九枚 乾薑一錢

水煎熱服被蓋片時令脾胃溫暖陰退陽回痘自紅活

紅活

人參羌活散

治時氣痘疹兼於醫表

人參 羌活 獨活 柴胡 前胡 桔梗
茯苓 枳殼 川芎 天麻 甘草 骨皮各三分
右入薄荷五葉薑水煎服表證多者宜之

清和飲

地骨皮鮮者 麥門冬去心各二錢 生地黃
知母 貝母去心 橘紅 赤茯苓 甘草
荆芥穗各七分 牛蒡炒研一錢半 桔梗五分
瓜薑一錢

右裏證多者宜之

虛者加人參黃芪

山梔子湯

治痘瘡及斑毒狀如蚊蚤所醫毒盛黑色者
山梔子仁 白蘇皮 赤芍藥 升麻各一兩
寒水石 甘草各五錢

右爲細末每服一錢水八分紫草薄荷各少許同煎至五分去滓放溫服

袁氏方

紫草 紅花 犀角 木通 芍藥 生地黃
茯苓 甘草 蟬蛻

右燈草金銀煎服

外加荆芥紫蘇木通荔枝殼鳳凰脫升麻楊枝濃煎湯浴之

陽毒升麻湯

治面赤狂言煩躁腰背疼下利脉浮喉痛
升麻五錢 犀角鎊 射干 黃芩 人參
甘草各二錢半

右水煎服

陰毒升麻湯

治陰斑

升麻 當歸 川椒 鼈甲 雄黃 甘草
右水煎服

二聖散

治痘疔挑破以此點之

雄黃二錢 紫草三錢

右研末用油胭脂調

敷方

治癰後痘疔潰爛成坑內見筋骨以此敷之

赤石脂 膩粉 黃蘗 杭粉炒黑 血竭

伏龍肝各一錢 飛丹八分 髮灰五分 乳香

沒藥各三分 冰片三釐 蜜陀僧飛過三錢

有臭氣加阿魏三四分

右爲細末綿紙篩過敷之用膏藥貼

內服人參敗毒散加穿山甲蟬蛻連翹

拔毒膏

治痘疔

雄黃研

右用胭脂重浸水令濃調雄黃點疔痘上立時紅

活亦神法也蓋雄黃能拔毒胭脂能活血也

飛龍奪命丹

治痘疔痘毒痘癰或麻木嘔吐重者昏憤咬牙

真蟾酥乾者酒化 輕粉各一錢 枯白礬

銅綠 寒水石 乳香 沒藥 麝香各二錢

朱砂六錢 蝸牛四十二個另研如無亦可

右各爲末入蟾酥蝸牛或加酒少許糊丸菜豆大每服一丸溫酒或葱湯送下重者外用隔蒜灸灸甚者多灸或著肉灸

苦參丸

苦參一兩 白茯苓 胡麻 牛蒡子各半兩

甘草二錢半

右共爲末酒調爲丸竹葉湯下

牛黃丹

治瘡子出定大便不通瘡中膿水不乾

牛黃 大黃末生用 珍珠末 粉霜各一兩

右研勻煉蜜丸如黍米大每服十粒人參湯下量

兒大小加減

生肌散

治疔蝕不斂并痘後膿血襍流不收等瘡

地骨皮 黃連 五倍子 甘草 黃蘗各等分

右爲細末乾摻瘡上

金華散

治痘證後肥瘡疳瘡疥癬能收水涼肌解毒

黃丹水飛過火煨紅一兩 黃蘗 黃連各五錢

黃芩 大黃各三錢 輕粉一錢 麝香一分

右爲細末瘡濕乾摻瘡用臘猪油熬化調搽

白螺散

專治痘瘡不收

白螺螄殼不拘多少古牆上取

右去土洗淨火煨紅取出存性爲極細末瘡口濕

處乾摻爲妙

乳香韶粉散

即韶粉散加乳香三錢

又方

荔枝殼微燒存性 草紙燒灰存性 敗芽多年者
右三味共爲細末或搽或摻自能收木結痂

又方

黃豆殼

右燒灰爲末摻之

如痘風癬以豆殼煎湯洗

祕傳茶葉方

治痘爛遍身無皮膿水流出粘枯衣被

茶葉

右揀去粗梗入滾水一漂即撈起再揀去梗濕鋪
牀上用草紙隔一層令兒睡上一夜則膿皆乾

蠅花散

治痘爛生蛆蟲及夏月諸蟲咬傷臭惡不可近者
服之蟲皆化而爲水蒼蠅亦不敢近

蟬退去足洗淨焙 青黛澄去灰土各五錢

北細辛二錢半 蛇退一兩燒存性

右爲細末每服三錢酒調下仍以生寒水石細末
摻之

定金湯

綿黃芪 人參 炒木 當歸 白芍藥 生地
白茯苓 甘草 白芷 防風 荆芥 升麻

右入芫荽一握白銀一塊燈心甘壘同煎服

寒水丹

雞骨灰帶血肉燒過 銀硃各一錢 冰片

赤石脂各五分 棕衣灰二分

右研細末洗淨徐徐摻之

治痘生蛆方

經霜桑葉 野薄荷

右煎湯洗之其蛆自去或先用艾條熏之後增紫
蘇甘草煎湯洗之禁雄黃礬石等藥

鼠粘子湯

治小兒痘瘡餘毒未散食穀太早補住毒氣

鼠粘子六錢 甘草五分 犀角 白木各三錢

荆芥 防風 枳殼各一錢

右水煎服

活血解毒湯

治餘毒

防風 荆芥 生地黃 赤芍藥 牛蒡子

當歸 連翹 黃連 紫草 甘草 蒼朮

薄荷 川芎 木通

右各等分水煎服

樺皮散

治痘瘡及乳癰并一切腫毒

樺皮木

右剉煎溫服此藥味苦平無毒

若治乳癰取樺皮燒存性爲末酒調服之立消

十三味敗毒散

治癰毒

當歸 白芷 穿山甲土炒 金銀花 防風

乳香製 甘草 陳皮 赤芍藥 皂角刺

貝母 沒藥製 天花粉 芍藥

右各等分酒水各半煎服

木香散

治小兒斑後生癰如神

地骨皮一兩 木瓜半兩 川山甲炙黃三錢半

麝香一字

右爲末米飲下二錢

東垣聖愈湯

治膿潰心煩無寐體倦少食

熟地黃自製者佳 生地黃各二分 人參

川芎各三分 當歸 黃芪各五分

右水煎服

小柴胡加生地黃湯

柴胡 人參 黃芩各三兩 甘草炙 生地黃

半夏各二兩湯泡七次

右爲粗末每服三錢水一盞生薑三片棗一枚煎

至半盞去渣溫服

六味活血散

治癰疽瘡痛初起紅腫不散

當歸 川芎 赤芍藥 生地黃 酒紅花

蘇木各等分

右水煎量服之

人參敗毒散

即荆防敗毒散治餘毒癰腫

人參 赤茯苓 羌活 獨活 前胡 薄荷

柴胡 枳殼 川芎 桔梗各等分 甘草減半

牛蒡子 防風 荆芥 連翹 金銀花

頭上加白芷升麻

上身倍加桔梗